



ՀԱՄԱԳՈՐԾԱԿՑՈՒԹՅԱՆ ՀԱՄԱՁԱՅՆԱԳԻՐ

Ք. Ստեփանակերտ

«16» 02 . 2022թ.

1. ԸՆԴՀԱՆՈՒՐ ԴՐՈՒՅԹՆԵՐ

1.1. Շուշիի տեխնոլոգիական համալսարանը՝ (այսուհետ՝ Համալսարան) ի դեմս ռեկտոր Ն. Միքայելյանի, ով գործում է համալսարանի կանոնադրության հիման վրա, Մեսրոպ Մաշտոց համալսարանը՝ (այսուհետ՝ ՄՄՀ) ի դեմս ռեկտոր Դ. Գաբրիելյանի, ով գործում է ՄՄՀ կանոնադրության հիման վրա (այսուհետ՝ Կողմեր), համագործակցելու փոխադարձ ցանկությամբ կազմեցին սույն համաձայնագիրը:

1.2. Կողմերը համաձայն են կրթադաստիարակչական, գիտահետազոտական և ուսումնամեթոդական գործունեության ոլորտներում համատեղ փոխշահավետ ծրագրերի մշակմանը և իրականացմանը, դասախոսների և ուսանողների ակադեմիական փոխանակմանը, համատեղ հայտարարությունների և փաստաթղթերի ստորագրմանը, տեղեկատվական և մարզամշակութային միջոցառումների իրականացմանը և այդ նպատակին հասնելու համար արտահայտում են պատրաստակամություն՝ կիրառելու իրենց հաստատություններում առկա մտավոր և նյութատեխնիկական ներուժը:

2. ՀԱՄԱԳՈՐԾԱԿՑՈՒԹՅԱՆ ՈՒՂՂՈՒԹՅՈՒՆՆԵՐԸ ԵՎ ԽՆԴԻՐՆԵՐԸ Կողմերը կապահովեն՝

2.1. ԱՀ բուհական համակարգերում իրականացվող փոփոխությունների, իրավական փաստաթղթերի, ակտերի և միջոցառումների մասին տեղեկությունների փոխանակումը,



2.2. խորհրդատվական ծառայություններ կրթական գործընթացների վերլուծության և դրանց աջակցության նպատակով,

2.3. փոխադարձ մասնակցությունը երկկողմանի հետաքրքրություն ներկայացնող կրթական ծրագրերի և կրթության ոլորտում նորմատիվ փաստաթղթերի քննարկումներին,

2.4. համապատասխան մասնագետների մասնակցությունը անցկացվող գիտաժողովներին, սեմինարներին, կոնֆերանսներին,

2.5. համալսարանների կառուցվածքային ստորաբաժանումների՝ ֆակուլտետների, ամբիոնների, առանձին գիտական և կրթական կենտրոնների համագործակցությունը,

2.6. ուսանողական ինքնավար կառույցների՝ ուսանողական խորհուրդների, ուսանողական գիտական ընկերությունների համագործակցությունը՝ ճանաչողական փոխայցելությունների, համատեղ գիտաժողովների, առարկայական օլիմպիադաների, մարզամշակութային և այլ միջոցառումների կազմակերպման ճանապարհով:

2.7. Տարբեր միջոցառումների, խնդիրների և ծրագրերի իրականացման ուղղությամբ ծավալուն և առարկայական համագործակցության դեպքում՝ կողմերի միջև երկկողմանի պայմանագրերի կնքում, որոնցով կկարգավորվեն համապատասխան աշխատանքների իրականացումը, կողմերի իրավունքներն ու պարտականությունները:

2.8. Կրթական գործընթացում ՇՏՀ-ի և ՄՄՀ-ի պրոֆեսորադասախոսական կազմերի ինտեգրում:

2.9. ՄՄՀ և ՇՏՀ ՈԱԿ համագործակցություն՝ ՄՈՒՀ-երի արդյունավետ գործունեության և պարբերական բարելավման նպատակով:

3. ԿՈՂՄԵՐԻ ՊԱՐՏԱՎՈՐՈՒԹՅՈՒՆՆԵՐԸ

3.1 ՇՏՀ-ն և ՄՄՀ-ն պարբերաբար կտեղեկացնեն միմյանց՝ անցկացվող գիտահետազոտական աշխատանքների, սեմինարների, կոնֆերանսների,



- կլոր սեղանների, հանդիպում քննարկումների մասին և կապահովեն երկու համալսարանների ներկայացուցիչների մասնակցությունը դրանց,
- 3.2 ՇՏՀ-ն և ՄՄՀ-ն կմասնակցեն Արցախի Հանրապետությունում, այդ թվում՝ վերաբնակեցվող շրջաններում փորձուսուցումների համատեղ կազմակերպմանը և իրականացմանը,
- 3.3 ՄՄՀ և ՇՏՀ սովորողների համար կկազմակերպեն համատեղ ինտելեկտուալ և մարզամշակութային միջոցառումներ, ցուցահանդեսներ, շրջայց ԱՀ պատմամշակութային արժեքներ ունեցող տեսարժան վայրեր,
- 3.4 ՇՏՀ-ն և ՄՄՀ-ն համագործակցելու են ուսումնական պլանների թարմացման հարցում՝ ըստ աշխատաշուկայի պահանջների, համապատասխան մասնագիտություններով ուսումնական ծրագրերի կազմման գործընթացին համալսարանների մասնագետների ներգրավմամբ՝ որպես խորհրդատուներ,
- 3.5 ՇՏՀ-ն և ՄՄՀ-ն համագործակցելու են ուսանողների և շրջանավարտների աշխատաշուկայում մրցունակության բարձրացմանն ու կարիերայի խնդիրների լուծմանն ուղղված ծրագրերի իրականացման ուղղությամբ, համատեղ կազմակերպելու են ամենամյա «Հանրապետական միջբուհական աշխատանքի տոնավաճառ», պարբերաբար համատեղ կազմակերպելու են կոնֆերանսներ, սեմինարներ, խորհրդակցություններ և այլ միջոցառումներ:
- 3.6 Աշխատանքների արդյունավետության բարձրացման նպատակով ՇՏՀ-ն և ՄՄՀ-ն կձևավորեն մշտական կամ ժամանակավոր կառույցներ, աշխատանքային խմբեր, խորհրդակցական մարմիններ, խորհուրդներ, հանձնաժողովներ:
- 3.7 ՄՄՀ-ն կապահովի ՇՏՀ-ի ներկայացուցիչների ներգրավումը ՄՄՀ ավարտական (պետական) քննությունների գործընթացում,
- 3.8 Երևանում փորձուսուցում անցնելու դեպքում ՄՄՀ ուսանողների կեցության հարցը կապահովի ՇՏՀ-ն՝ երևանյան ներկայացուցչությունում:



4. ՀԱՄԱՁԱՅՆԱԳՐՈՎ ՆԱԽԱՏԵՍՎԱԾ ՄԻՋՈՑԱՌՈՒՄՆԵՐԻ ՆՅՈՒԹԱԿԱՆ ԱՊԱՀՈՎՈՒՄԸ

4.1. Սույն համաձայնագրի կատարումն ապահովելու համար Կողմերը նշանակում են մեկական ներկայացուցիչ՝ պրոռեկտորի մակարդակով: Կողմերի ներկայացուցիչները պարտավորվում են՝ համատեղ կարգավորել ընթացիկ փոխգործակցության հարցերը, տարին մեկ անգամ Կողմերին ներկայացնել տարվա միջոցառումների պլանը և այդ ասպարեզում նախորդ տարվա կատարած աշխատանքի մասին հաշվետվությունը:

4.2. Կողմերը սույն համաձայնագրի շրջանակներում ֆինանսական պարտավորություններ չեն կրում:

5. ՀԱՄԱՁԱՅՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ, ԼՐԱՑՈՒՄՆԵՐԸ, ՓՈՓՈԽՈՒԹՅՈՒՆՆԵՐՆ ՈՒ ԴԱԴԱՐԵՑՈՒՄԸ

5.1. Սույն համաձայնագիրն ուժի մեջ է մտնում ստորագրման պահից և գործում է անժամկետ:

5.2. Սույն համաձայնագրի մեջ փոփոխություններն ու լրացումները կատարվում են Կողմերի փոխադարձ գրավոր համաձայնությամբ: Սույն համաձայնագրի փոփոխություններն ու լրացումները կազմվում են լրացուցիչ համաձայնագրով և դառնում են սույն համաձայնագրի անքակտելի մասը:

5.3. Սույն համաձայնագիրը կարող է լուծվել Կողմերի փոխադարձ համաձայնությամբ կամ Կողմերից մեկի նախաձեռնությամբ՝ ենթադրվող հրաժարումից ոչ ուշ, քան մեկ ամիս առաջ մյուս Կողմին գրավոր ծանուցմամբ:

5.4. Սույն համաձայնագրով չնախատեսված հարաբերությունների կարգավորման առումով Կողմերն առաջնորդվում են ԱՀ օրենսդրությամբ:

5.5. Սույն համաձայնագիրը կազմված է իրավաբանական հավասար ուժ ունեցող երկու օրինակից, յուրաքանչյուր Կողմին՝ մեկական օրինակ:



ԿՈՂՄԵՐԻ ՏՎՅԱԼՆԵՐԸ

Շուշիի տեխնոլոգիական համալսարան
ԱՀ, ք.Ստեփանակերտ, Վ.Վաղարշյան 5
հեռ. (+374 97) 203080

էլ. փոստ՝ info@shushitech.am

կայք՝ www.shushitech.am

Ռեկտոր՝ Ն. Միքայելյան

ստորագրություն



«Մերոպ Մաշտոց Համալսարան» ՍՊԸ

ԱՀ, ք. Ստեփանակերտ, Գ.Նժդեհ 72

հեռ. . (+374)47 951062

էլ. փոստ՝ m.mashtots@mail.ru

կայք՝ www.mmu.am

Ռեկտոր՝ Դ. Գաբրիելյան

ստորագրություն

